

Вечером 22 января

Изменяемое №1

На Господи воззвах:

Стѹх: Изведѹ из темницы дѹшу мою, исповѣдаться ѹмени Твоемѹ.

Стѹх: Мене ждѹт праведницы, дондеже воздаси мнѣ.

Стѹх: Из глубины воззвах к Тебѣ, Господи, Господи, услыши глас мой.

Стѹх: Да бѹдут ѹши Твоѹ внѣмлюще гласу молѣния моего.

Стѹх: Аще беззаконія на́зриши, Господи, Господи, кто́ посто́ит; ꙗко у Тебѣ очи́щение е́сть.

Стѹх: И́мене ра́ди Твоего́ потерпѣх Тя, Господи, потерпѣ ду́ша моя́ в сло́во Твое́, упова́ ду́ша моя́ на Го́спода.

Стѹх: От стра́жи ѹтренняя до но́щи, от стра́жи ѹтренняя, да упова́ет Изра́иль на Го́спода.

Глас 1: Приидѣте, вѣрнии,/ благочѣстно ублажѣм святителя Христо́ва Феофа́на,/ па́стыря предоб́раго, учѣтеля златословѣснаго,/ скóробных утешѣтеля,/ на́ставника всех притека́ющих к немѹ с вѣрою,/ и ны́не моля́щагося о ду́шах на́ших.

Стѹх: ꙗко у Го́спода ми́лость, и мно́гое у Него́ избавлѣние, и То́й изба́вит Изра́иля от всѣх беззакóний его́.

Приидѣте, вѣрнии,/ благочѣстно ублажѣм святителя Христо́ва Феофа́на,/ па́стыря предоб́раго, учѣтеля златословѣснаго,/ скóробных утешѣтеля,/ на́ставника всех притека́ющих к немѹ с вѣрою,/ и ны́не моля́щагося о ду́шах на́ших.

Стѹх: Хвалѹте Го́спода всѹ ꙗзы́цы, похвалѹте Его́ всѹ лю́дие.

Святителю́ о́тче Феофа́не,/ па́мьять тво́я, ꙗко светоза́рное со́лнце возсия́ нам,/ озаря́ющи приходя́щий к тебѣ с вѣрою и прося́щия усер́дно:/ моли́ спасти́ся ду́шам на́шим.

Стѹх: ꙗко утвер́дися ми́лость Его́ на нас, и ѹстина Госпо́дня пребы́вает во вѣк.

О пребла́женне о́тче Феофа́не,/ челове́че Бо́жий и вѣрный ра́бе,/ сосѹде избра́нный Ду́ха Свята́го,/ Ца́рствия Бо́жия наслѣднице,/ мир Це́ркви Правосла́вной испроси́,/ стране́ на́шей благодѣнствие,/ всем

же вѣрным в вѣре утверждение,/ грехов оставление и от бед избавление.

Слáva: Отче Феофане богомудре,/ áще и в тайных подвигах течение совершил еси,/ обаче светильник пресвѣтлый людем явился еси,/ лучами словес твоих просвещая нас,/ научаеши Христа вѣдети./ Тѣмже радостно поклоняющеся раце честныхъ мощей твоих,/ со умилением взываем:/ слава Прославляющему святыхъ Своя.

И ныне: Трепеташе рука Крестителява,/ егда пречистому Твоему верху коснуса./ Возвратися Иордан река вспять,/ не дерзаящи служити Тебѣ:/ яже бо устыдѣся Иисуса Навина,/ како Творца своего устрашиться не имяше?/ Но все исполнил еси смотрение, Спасе наш/ да спасеши мир явлением Твоим,/ Едине Человеколюбче.

<далее см. основной Чин>

Изменяемое №2

Прокимен после «Свѣте тихий» **глас 4:**

Честна пред Господем/ смерть преподобныхъ Его. **Стих:** Что воздамъ Господеву о всехъ, яже воздаде ми?

<далее см. основной Чин>

Изменяемое №4

Лития **глас 3:**

Феофане преблаженне,/ чудотворче преславнейший и вѣрныхъ заступниче,/ сосуде, благодати преисполненный,/ и милости источниче,/ о нас молися ко Господу,/ помилуютися душамъ нашимъ.

Отче богомудре Феофане,/ благий и вѣрный друже Господень,/ святителей украшение и отцевъ слава,/ якоже в житий, тако и по преставлении твоёмъ,/ Дивный во святыхъ Своихъ Бог/ исцелений благодать тебѣ дарова,/ и ныне непрестанно молися о нас ко Господу,/ помилуютися душамъ нашимъ.

Преблаженне Феофане,/ словесъ Евангельскихъ вѣрный хранителю,/ вольную нищету, яко сокровище, на себѣ подъяв,/ чистоту иноческаго жития сохранил еси,/ образ смирения по образу Господа своего являя,/ и ныне предстою Престолу Вседержителя,/ молися прилежно о нас,/ совершающихъ священную память твою.

Слáva, глас 8: Днесь красуется обитель Вышинская/ и торжествуетъ вся Церковь Православная,/ совершаючи память твою, святителю

Феофа́не,/ дѣвная бо и пресла́вная чудеса́ яви́ тобо́ю Госпо́дь,/ егда́ честны́я мо́щи твоя́ просла́вити благоволи́./ Те́мже к тебѣ прибега́ем и мо́лимся:/ моли́ся о нас ко Го́споду,/ поми́ловатися душáм на́шим.

И ны́не: Днесь всяка тварь просвещáется,/ днесь вся́ческая веселя́тся,/ Небѣсная вкúпе и земна́я,/ А́нгели и челове́цы смешáются,/ идѣже бо Царѣво пришѣствие, и чин прихóдит./ Тецѣм úбо на Иорда́н/ и ви́дим вси Иоáнна:/ ка́ко крещáет Верх Нерукотворѣнный и Безгрѣшный?/ Те́мже, апóстольский глас припева́юще, согла́сно возопи́ем:/ яви́ся благода́ть Бо́жия спаси́тельная всем челове́ком,/ озаря́ющи и пода́ющи ве́рным ве́лию ми́лость.

<далее см. основной Чин>

Изменяемое №5

По полиелѣи седа́лен **глас 4:**

Прему́дрый учи́телю,/ твѣрдый ѱстины Христо́вы побóрниче,/ утверди́ сердца́ на́ша в ве́ре правосла́вней,/ к тебѣ прибега́ем и тебѣ мо́лимся,/ моли́ся о нас ко Го́споду,/ святи́телю óтче Феофа́не.

Сла́ва, и ны́не, Богоро́дичен: Необори́мая Предста́тельница оскоробля́емых/ и те́плое заступле́ние упова́ющих на Тя,/ от бед и искуше́ний изба́ви нас,/ Богороди́тельнице Пречи́стая.

<далее см. основной Чин>

Изменяемое №6

Степе́нна, 1-й антифо́н 4-го гласа.

Прокі́мен **глас 4:** Честна́ пред Господем/ смерть преподо́бных Егó.

Стих: Что возда́м Го́сподеву о всех, я́же воздаде́ ми?

<далее см. основной Чин>

Изменяемое №7

По 50-м псалме́ стихі́ра **глас 6:**

Излия́ся благода́ть во устне́х твои́х,/ святи́телю Феофа́не,/ Богоявле́ния вои́стину проповѣ́дник в землі́ Росси́йстей яви́лся еси́,/ писа́ньми бо твои́ми вся учи́ши/ ве́ровати в Трóицу, во Еди́ном Божестве́.

<далее см. основной Чин>

Изменяемое №8

Кано́н свята́го **глас 8:**

Песнь 1

Ирмос: Воду прошѣд, яко сушу,/ и египетскаго зла избежав,/ израильтянин вопияше:/ Изобавителю и Богу нашему поим.

Припев: Радуйся, Феофане, Вышинский подвижникче.

Радостно приносяще хваление,/ смиренно к тебе припадающе, просим:/ приими недостойное моление наше, святителю отче Феофане.

Ангеле земный и человеке Божий,/ в затворе Вышинския обители пребывая,/ непрестанно моляся ко Господу, изъяснял еси людям путь ко спасению.

Днесь сошедшися, вернии,/ восхвалим песнями и пеньми духовными/ святителя Феофана, нашего приснаго к Богу молитвенника.

Богородичен: Утверди нас, Мати Божия,/ в вере Сыну и Богу Твоему,/ дивно прославляющему угодники Своя и други их нарицающему.

Песнь 3

Ирмос: Небеснаго круга/ Верхотворче, Господи,/ и Церкви Зиждителю,/ Ты мене утверди в любви Твоей,/ желаний краю, верных утверждение,/ Еди́не Человеколю́бче.

Имя твоё, святителю Феофане,/ яко миро, землю нашу облагоуха,/ услаждающе сердца верных, призывающе всех к духовней радости и спасению.

Святче Божий, угодниче Христов Феофане,/ призри на немощи наша и исцели души наша,/ страстьми присно обуреваемый.

Яко пчела трудолюбивая,/ с луга духовнаго мед писаний отеческих нам предлагаеши, святителю,/ во спасение с молитвою к тебе притекающих.

Богородичен: Феофане святителю, прииди, стани с нами,/ да прославим вкупе Пресвятую Деву,/ Христа Бога Рождшую.

Седален, глас 8: Житие твоё славно бысть и успение со святыми,/ святче Божий Феофане,/ ныне же у Престола Всевышняго предстои,/ молися о нас, всеблаженне,/ да спасёт Господь души наша.

Сла́ва, и ны́не, пра́здника: Иисúсу ро́ждшуся от Де́вы Мари́и, и во Иорда́не крещу́ся от Иоа́нна,/ Дух сн́иде на Него́ зр́имый в ви́де голу́бине./ Сего́ ра́ди проро́к со А́нгелы глаго́лаше, зов́ый:/ сла́ва прише́ствию Твоему́, Христé,/ сла́ва Ца́рствию Твоему́,/ сла́ва смотре́нию Твоему́, Еди́не Человеколю́бче.

Песнь 4

Ирмо́с: Ты моя́ крѣпость, Го́споди,/ Ты моя́ и си́ла,/ Ты мой Бог, Ты моѣ ра́дование,/ не оста́вь не́дра О́тча/ и на́шу нищету́ посет́ив./ Тем с проро́ком Авваку́мом зову́ Ти:/ си́ле Твое́й сла́ва, Человеколю́бче.

Феофа́не святите́лю, ра́зум твой му́дре Христу́ вве́рил еси́,/ Ца́рствия ве́чнаго сподо́бися,/ моли́ ны́не вся Прему́дростию Сотво́ршаго, да спасе́т ду́ши на́ша.

Его́же возлю́бил еси́, Его́же Еди́наго возжелéл еси́,/ Его́же ра́ди в затво́ре подвижа́лся еси́,/ моли́ ны́не, да спасе́т ду́ши на́ша.

Образ был еси́ богода́нней па́стве твое́й,/ сло́вом, жити́ем, любóвию, ду́хом, ве́рою и чистото́ю./ Сего́ ра́ди тя я́ко и́стиннаго па́стыря почита́ем, Феофа́не, о́тче наш.

Богоро́дичен: Феофа́не богому́дре,/ моли́ся о нас Пресвяте́й Влады́чице Богоро́дице,/ да Свои́м всеси́льным предста́тельством умо́лит Христа́ спасти́ ду́ши на́ша.

Песнь 5

Ирмо́с: Вску́ю мя отр́инул еси́/ от Лица́ Твоего́, Све́те Незаходи́мый,/ и покрýла мя е́сть чу́ждая тьма, ока́яннаго,/ но обрати́ мя и к све́ту за́поведей Твои́х/ пути́ моя́ напра́ви, молю́ся.

А́нгели на Небеси́ ра́дуются,/ челове́цы на земли́ духо́вно торже́ствуют,/ па́мять соверша́юще святите́ля Феофа́на, ди́внаго о всех нас моли́твенника.

Научи́ нас, блаже́нне Феофа́не,/ ве́дети Христа́, Све́та и́стиннаго,/ просвеща́ющаго вся́каго челове́ка, гряду́щаго в мир.

Его́же во́инства Небе́сная сла́вят,/ в жити́и сво́ем непреста́нно прославля́л еси́,/ научи́ и нас, святче Бо́жий, добродете́лями Го́спода сла́вити.

Богоро́дичен: Вы́шшую Небе́с и Чы́стшую све́тлостей со́лнечных,/ изоба́вльшую нас от кля́твы,/ Влады́чицу ми́ра пе́снями почти́м.

Песнь 6

Ирмос: Очи́сти мя, Спа́се,/ мно́га бо беззако́ния моя́,/ и из глубины́ зол возведи́,
молю́ся,/ к Тебе́ бо возопи́х, и услы́ши мя,/ Бо́же спасе́ния моего́.

Шёл еси́ тесным путе́м ко спасе́нию,/ кро́ткий Кро́ткому взыва́я
непреста́нно:/ мне прилепля́тися Бо́гови бла́го есть.

Истины Христо́вы вожделе́в,/ ско́рби и оби́ды ра́достно терпел
еси́, помышля́я непреста́нно,/ я́коже вене́ц без победы́, та́кожде
побе́да без по́двига не быва́ет.

Не забу́ди нас, чад твои́х, о́тче Феофа́не,/ в дому́ Отца́ Небе́снаго
пребыва́я,/ и сподо́би моли́твами твои́ми в черто́г Го́спода Сла́вы
вни́ти.

Сла́ву и вся сокро́вища ми́ра презре́л еси́,/ неукло́нно шеству́я к
го́рнему ми́ру,/ и ны́не ра́достью а́нгельскою ра́дуешися, о́тче наш,
святите́лю Феофа́не.

Богоро́дичен: Кто Тебе́ не ублажи́т, Пресвята́я Де́во?/ Кто ли не
воспоёт Твоего́ Пречи́стаго Рожде́ства?/ Моли́, Чи́стая,
Всеблаже́нная, Сы́на Твоего́ и Бо́га поми́ловатися душа́м на́шим.

Конда́к, глас 4: Богоявле́нию тезоимени́тый,/ святите́лю Феофа́не,
уче́ными Твои́ми мно́ги лю́ди просвети́л еси́,/ со А́нгелы ны́не
предсто́я Престо́лу Святы́я Тро́ицы,/ моли́ непреста́нно о всех нас.

Икос: Я́коже явле́ние Боже́ственных дарова́ний вои́стину
показа́лся еси́ земли́ Росси́йстей,/ святите́лю Феофа́не, па́стырю
до́брый ста́да Христо́ва,/ вразумля́я жити́ем, сло́вом и писа́нием
наставля́я./ И ны́не Престо́лу Пресвяты́я Тро́ицы предсто́я,/ со
дерзнове́нием воздева́я преподо́бнеи ру́це твои́,/ моли́ непреста́нно
о всех нас.

Песнь 7

Ирмос: Бо́жия снизхожде́ния/ огонь устыде́ся в Вавило́не иногда́./ Сего́ ра́ди
о́троцы в пещи́ ра́дованною ного́ю,/ я́ко во цветнице́, лику́юще, пояху:/
благословен еси́, Бо́же о́тец на́ших.

Кре́стный путь Подвигополо́жника Христа́ вы́ну пред собо́ю
име́я,/ путе́м тесным, веду́щим в жизнь ве́чную, шествовал еси́,
блаже́нне, взыва́я непреста́нно:/ благословен Бог о́тец на́ших.

Или́й Фесви́тянину ре́вностию подража́л еси́, святи́телю Феофа́не,/ любóвию Божественною сёрдце твоё распала́я, в терпе́нии ду́шу твою́ стяжа́л еси́, вопия́:/ благословён Бог о́тец на́ших.

Истины Божественныя ре́вностный пропове́днице,/ му́дростию словес твои́х и учений, о́тче Феофа́не, наставля́еми, кúпно с тобо́ю поём ны́не:/ благословён Бог о́тец на́ших.

Богоро́дичен: Пода́ждь утешéние рабо́м Твои́м, Богороди́тельнице Мари́е,/ да вопи́ем с Тобо́ю к Сы́ну Твоему́ и Спа́су на́шему:/ благословён Бог о́тец на́ших.

Песнь 8

Ирмо́с: Седмери́цею пещы́/ халде́йский мучи́тель/ богочесту́вым неустовно разжже́,/ си́лою же лу́чшею спасены́ сия́ ви́дев,/ Творцу́ и Изба́вителю вопия́ше:/ о́троцы, благослови́те,/ священни́цы, воспойте,/ лю́дие, превозноси́те во вся ве́ки.

О́троцы, благослови́те, священни́цы, воспойте,/ лю́дие, превозноси́те Христа́ во ве́ки,/ соверша́юще ве́лие торже́ство прославлéния уго́дника Бо́жия, святи́теля Феофа́на.

Досто́йно воспева́ти Бо́жию Сла́ву науча́л еси́ всех, пропове́днице благоче́стия Феофа́не,/ и нас, ны́не с ве́рою прише́дших к тебе́, сему́ научи́,/ да сла́вится и́мя Бо́жие во ве́ки.

Ве́ры твёрдый побóрнице, благоче́стия му́дрый пропове́днице,/ правосла́вия изря́дный богосло́ве, Феофа́не, Вы́шинский затво́рнице,/ сподо́би нас, недостóйных, в ра́дости духо́вней воспева́ти Го́спода, превозноси́маго во вся ве́ки.

Богоро́дичен: Исцелéний струи́ всегда́ ве́рным подаéши, Ма́ти Бо́жия,/ исцели́ ду́ши на́ша, моли́тв ра́ди уго́дника Бо́жия Феофа́на,/ да сла́вим Рожде́ство Твоё, Пречи́стая, и превозно́сим во вся ве́ки.

Пёснь Богоро́дицы: Вели́чит душа́ моя́ Го́спода: **<см. основной Чин>**

Песнь 9

Ирмо́с: Ужасéся о сем Не́бо/ и земли́ удиви́шася концы́,/ я́ко Бог яви́ся челове́ком плóтски/ и чре́во Твоё бысть пространнейшее Небёс/ Тем Тя, Богоро́дицу,/ А́нгелов и челове́к чинонача́лия велича́ют.

Жізни вѣчныя сподѣбился еси, святителю,/ буди ходатай и
молитвенник теплый о нас к Богу,/ верою память твою священную
празднующих.

Новый воистину чудотворец явился еси, Феофане богомудре,/
яко целитель премилостивый и врач безмездный душ и телес всех с
верою к тебе притекающих,/ милуя и утешая и щедроты твои
преизобильно изливая.

Истинно явился еси молитвенник теплый о нас к Богу,/ испроси,
отче, у Творца всяческих/ прегрешений оставление всем с верою и
любовию тя величающим.

Человеке Божий, верный друже Христов,/ прими милостивно
моления наша и принеси я ко Престолу славы Господа,/ Крещением
Своим Иорданския струи освятившаго.

Богородичен: Егоже воинства Небесная славят,/ Егоже во чреве
носила еси, Богомати Пречистая,/ моли ущедрити и спасти души
наша.

<далее см. основной Чин>

Изменяемое №9

Светилен:

Светильника, свыше просвещаемого,/ светом Божественным
осияема,/ святителя Феофана, радующегося, песнями почтим.

<далее см. основной Чин>

Изменяемое №10

На стиховне стихиры *глас 5:*

Радуйся, отче наш Феофане,/ скорый в скорбех утешителю,/
радуйся, иноков и инокинь наставниче,/ радуйся, словом своим и
делом всех к Богу приводяй,/ и ныне предстои Престолу Святыя
Троицы,/ молися прилежно о нас,/ совершающих светлое сие
торжество.

Стих: Честна пред Господом/ смерть преподобных Его.

Радуйся, святителю Феофане,/ Церкви Российский преславное
украшение,/ обители Вышинския светлая похвало,/ Православия
столпе непоколебимый,/ радуйся, молитвенниче наш пред Богом,/
Емуже предстои со всеми святыми,/ молися о нас, чтущих святую
память твою.

Стих: Священницы Твои облекутся в правду,/ и преподобнии Твои возрадуются.

Радуйся, архиерею Божий,/ смирения и кротости зеркало,/ любве неистощимое сокровище,/ аще и в затворе пребывал еси,/ людей же, духовнаго утешения жаждущих, не оставлял еси,/ темже и мы к тебе, яко отцу, прибегаем/ и любовьию взываем:/ молися о нас ко Господу,/ спастися душам нашим.

Слава: Преблаженне отче Феофане,/ дом Духа Святаго явился еси,/ ума чистоту стяжав,/ в затворе Вышинския обители многолетне пребывая,/ писанными твоими всех просвещал еси,/ верою к тебе прибегающих,/ и ныне не престай приносить моления о нас,/ чтущих священную память твою.

И ныне: Тебе в Дусе и огни очищающа грех мира,/ зря Креститель грядуща к себе,/ ужасаяся и трепеща вопияше, глаголя:/ не смею держати верх Твой пречистый,/ Ты мя освяти, Владыко,/ Божественным явлением Твоим,/ Еди́не Человеколю́бче.

<далее см. основной Чин>

Утром 23 января

Изменяемое №11

По 1-м стихословии седальны глас 8:

Непостижимый Свет от Света, Христос Господь,/ почив в тебе, святителю Феофане,/ пресветла суща показá ты миру,/ яко блиставши светлым житием,/ озаряеши лучами учений, сиявши чудесы:/ темже ныне празднуем святую память твою.

Слава, и ныне, Богородичен: *<далее см. основной Чин>*

Изменяемое №12

По 2-м стихословии седальны глас 8:

Непостижимый Свет от Света, Христос Господь,/ почив в тебе, святителю,/ яви тебе яко ревностна свидетеля истины в Церкви Своей,/ в радость и спасение всех,/ любовьию чтущих память твою.

Слава, и ныне, Богородичен: *<далее см. основной Чин>*

Изменяемое №13

Тропарь глас 8:

Православия наставниче,/ благочестия учителю и чистоты,/ Вышинский подвижниче, святителю Феофане богомудре,/ писанными

твоими Слово Божие изъяснил еси/ и всем верным путь ко спасению указал еси,/ моли Христа Бога спастись душам нашим.

Тропарь праздника, глас 1:

Во Иордане крещаящуся Тебе, Господи,/ Троическое явися поклонение:/ Родителей бо глас свидетельствовал Тебе,/ возлюбленного Тя Сына именуя,/ и Дух в виде голубине,/ известовал словесе утверждение./ Явлейся Христе Боже,/ и мир просвещей, слава Тебе.

<далее см. основной Чин>

Изменяемое №14

На хвалитех стихир:

Стих: Сотворити в них суд написан./ Слава сия будет всем преподобным Егo.

Стих: Хвалите Бога во святых Егo,/ хвалите Егo во утверждении силы Егo.

Стих: Хвалите Егo на силах Егo,/ хвалите Егo по множеству величества Егo.

Глас 7: Возсия нам богоугодное житие твое,/ святителю отче Феофане,/ Вышинский затворниче,/ все плотское мудрование духу повинул еси,/ молися о нас,/ совершающих священную память твою,/ да спасет Господь души наша.

Стих: Хвалите Егo во гласе трубнем,/ хвалите Егo во псалтири и гуслех.

Возсия нам богоугодное житие твое,/ святителю отче Феофане,/ Вышинский затворниче,/ все плотское мудрование духу повинул еси,/ молися о нас,/ совершающих священную память твою,/ да спасет Господь души наша.

Стих: Хвалите Егo в тимпане и лице,/ хвалите Егo во струнах и органе.

Подвигов иноческих и воздержания зеркало,/ любве же и смирения сокровище неистощимое явился еси, отче Феофане,/ темже чтущу святую память твою,/ венчавшаго тя Христа прославляем,/ Егoже усердно моли,/ да спасет души наша.

Стих: Хвалите Егo в кимвалех доброгласных, хвалите Егo в кимвалех восклицания./ Всякое дыхание да хвалит Господа.

Человече Божий/ и верный угодниче Христов, Феофане,/ безмолвия рачителю/ и един Единому Богу собеседниче,/ помяни нас, чтущих святую память твою,/ и принеси теплые твои молитвы ко Господу,/ да спасет души наша.

Сл́ава: Благоч́естия м́удрый пропов́едниче,/ Правосл́авия изря́дный богосл́ове,/ изъясня́л еси́ лю́дем та́йны жи́зни духо́вныя/ и та́ко мно́гия к ве́ре в Триеди́наго Бо́га прив́ел еси́,/ те́мже чту́ще святу́ю па́мь твою́,/ богонóсне óтче Феофа́не,/ кúпно с тобо́ю взыва́ем:/ Трóице Свята́я, Бо́же наш, сла́ва теб́е.

И ны́не, Богоро́дичен: <см. основной Чин>

Изменяемое №15

Кондак глас 4:

Богоявл́ению тезоимен́итый,/ святíteлю Феофа́не,/ уч́ении тво́ими мно́гия лю́ди просвети́л еси́,/ со а́нгелы ны́не предсто́я Престо́лу Святы́я Трóицы,/ моли́ непреста́нно о всех нас.

<далее см. основной Чин>

На Литургии

Изменяемое №20

Прокимен, глас 1: Уста моя возглаголют премудрость, и поучение сердца моего разум. **Стих:** Услышите сия вси языцы, внушите вси живущии по вселенней.

Изменяемое №21

Аллилуиа, глас 2: Уста праведнаго поучатся премудрости, и язык его возглаголет суд. **Стих:** Закон Бога его в сердце его, и не запнутя стопы его.